

<<宣室志·裴铏传奇>>

图书基本信息

书名：<<宣室志·裴铏传奇>>

13位ISBN编号：9787532563272

10位ISBN编号：7532563278

出版时间：2012-6

出版时间：上海古籍出版社

作者：（唐）张读，裴铏 编

页数：74

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<宣室志·裴铏传奇>>

内容概要

《宣室志》，唐张读撰，萧逸校点。

《宣室志》取名于汉文帝在宣室召见贾谊问鬼神之事，故此书多记载神仙鬼怪狐精、佛门休咎故事，为古代神怪小说之集大成者。

《裴铏传奇》，唐裴铏撰，田松青校点。

《宣室志·裴铏传奇》多记神仙怪异之事，尤以豪侠故事最为著名，如《昆仑奴》等。

<<宣室志·裴铏传奇>>

作者简介

作者:(唐)张读撰

<<宣室志·裴铏传奇>>

书籍目录

宣室志裴铏传奇

<<宣室志·裴铏传奇>>

章节摘录

跋扈李师道以青齐叛，章武帝将讨之，凡数年，而王师失利，师道益骄。

尝一日，坐于堂，其榻前有银鼎，忽相鼓，其一鼎耳足皆坠。

后月余，刘悟手刃师道，青齐遂平，盖银鼎相鼓之兆也。

左丞相王涯，大和九年掌邦赋，又主盐铁。

其子仲翔，尝一日避暑于山亭。

忽见家僮数十，咸若无首，被血来仲翔前。

仅食顷，方不见。

仲翔惊异且甚，即具白之，愿解去权位，涯不听。

是岁冬十一月，果罹郑注之祸。

新昌里尚书温造宅，桑道茂尝居之。

庭有一柏树甚高，桑生曰：“夫人之所居，古木蕃茂者，皆宜去之；且木盛则土衰，由是居人有病者，乃土衰之验也。

”于是以铁数十钩镇于柏树下。

既而告人曰：“后有居者发吾所镇之铁，则其家长当死！”

”唐大和元年，温造居其宅，因修建堂宇，发地营缮，得其所镇之铁。

后数月，造果卒。

丞相李宗闵，大和七年夏出镇汉中；明年冬，再入相；又明年夏中，尝退朝于靖安里第。

其榻前有熨斗，忽跳踉久之，宗闵异且恶。

是时李训、郑注以奸诈得幸，数言于帝。

训知之，遂奏以致其罪。

后旬日，有诏贬为明州刺史，连贬潮州司户，盖其兆也。

柳公济尚书，唐大和中，奉诏讨李同捷。

既出师，无何麾枪忽折。

客有见者叹曰：“夫大将军出师，其门旗及麾枪折者，军必败衄；不然，上将死。

”后数月，公济果薨。

凡出军征讨，有乌鸢随其后者，皆败亡之征。

有曾敬玄者，尝为北部裨将。

李师道叛时，曾将行营兵士数千人。

每出军，有乌鸢随其后，必主败折，率以为常。

后舍家为僧，住持太原凝定寺。

大和九年，罗立言为京兆尹，尝因入朝，既冠带，引镜自照，不见其首，遂语于季弟约言。

后果为李训连坐，诛死。

云花寺有圣画殿，长安中谓之七圣画。

初，殿宇既制，寺僧求画工，将命施彩饰绘，责其直，不合寺僧所酬，亦竟去。

后数日，有二少年诣寺来谒曰：“某，善画者也。

今闻此寺将命画工，某不敢利其直，愿输工，可乎？”

”寺僧欲先阅其笔，少年曰：“某兄弟凡七人，未尝画于长安诸寺，宁有迹乎？”

”僧以为妄，稍难之。

少年曰：“某既不纳师之直，苟不可师意，即命圻其壁，未为晚也。

”寺僧利其无直，遂许之。

后一日，七人果至，各挈彩绘，将入殿宇，且为僧约曰：“从此去七日，慎勿启吾之户，亦不劳赐食，盖以畏风日侵铄也。

当以泥锢之，无使有纤隙；不然，则不能施其妙矣。

”僧从其语，自是凡六日，阒无有闻。

僧相语曰：“此必怪也。

<<宣室志·裴铏传奇>>

当不宜果其约。

”遂相与发其封。

户既启，有七鸽翩翩，望空飞去。

其殿中彩绘，俨若四隅，惟西北墉未尽饰焉。

后画工来见之，大惊曰：“真神妙之笔也！”

”于是莫敢继其色者。

唐故尚书李公诜镇北门时，有道士尹君者隐晋山，不食粟，尝饵柏叶，虽发尽白而容貌如童子，往往独游城市。

里中有老父年八十者，顾谓人曰：“吾孩提时，尝见李翁言，李翁，吾外祖父也。

且曰：‘我年七岁已识尹君矣，迨今七十余年，而尹君容貌如旧，得非神仙乎！

吾且老，自度能几何为世间人；汝方当壮，志尹君之容状。

’自始至今，七十岁矣，而尹君曾不老惫，岂非以千百岁为瞬息哉！

”北门从事冯翊严公绶，好奇者。

慕尹之得道，每旬休，即驱驾而诣焉。

其后严公白军司马为北门帅，遂迎尹君至府廨，馆于官署中，日与同席。

闻有异香自肌中发，公益重之。

公有女弟学佛屠氏，尝曰：“佛祖与黄老固殊致。

”且怒其兄与道士游，后一日，密以菹汁置汤中，命尹君饮之。

尹君既饮，惊而起曰：“吾其死乎！”

”俄吐出一物，甚坚，有异香发其中。

公命割而视之，真麋脐也。

自是尹君貌衰齿落，其夕，卒于馆中。

严君既知女弟之所为也，怒且甚。

即命部将治其丧。

后二日，葬尹君于汾水西二十里。

明年秋，有昭圣观道士朱太虚，因投龙至晋山，忽遇尹君在山中，太虚惊而问曰：“师何为至此耶？”

”尹君笑曰：“吾去岁在北门，有人以菹汁饮我者，我故示之以死。

然则菹汁安能败吾真耶？”

”言讫忽无所见。

太虚窃异其事。

及归，具白严公。

公曰：“吾闻神仙不死，脱有死者，乃尸解尔；不然，何变异之若是耶！”

”将命发其墓以视之，然虑惑于人，遂寝其事。

.....

<<宣室志·裴铏传奇>>

版权说明

本站所提供下载的PDF图书仅提供预览和简介, 请支持正版图书。

更多资源请访问:<http://www.tushu007.com>